

1. PRAVO NA STALNU NOVČANU POMOĆ

Pravo na stalnu novčanu pomoć imaju lica i porodice, ukoliko ispunjavaju sljedeće uslove:

1. da su nesposobni za rad, odnosno spriječeni u ostvarivanju prava na rad;
2. da nemaju dovoljno prihoda za izdržavanje;
3. da nemaju članova porodice koji su po zakonu obavezni da ih izdržavaju ili ako ih imaju da ta lica nisu u mogućnosti da izvršavaju obavezu izdržavanja;

1. nesposobni za rad, odnosno spriječeni u ostvarivanju prava na rad, smatra se

- lice potpuno nesposobno za samostalan rad i privređivanje;
- lice starije od 65 godina (muškarac), odnosno 60 godina (žena);
- žena za vrijeme trudnoće, porođaja i poslije porođaja, u skladu sa propisima o radu;
- roditelj, očuh, maćeha ili usvojilac koji se stara o jednom ili više djece do jedne godine života, a nema članova porodice ni srodnike koji u po zakonu obavezni da ga izdržavaju ili ako ih ima, da ta lica nisu u mogućnosti da izvršavaju obavezu izdržavanja;
- dijete do navršene 15 godine života, a ako je na redovnom školovanju do navršene 27 godine života;
- lice sa trajnim smetnjama u fizičkom i psihičkom razvoju;
- lice koje u porodici njeguje lice sa invaliditetom ili teško oboljelo
- lice, ukoliko je utvrđeno da je tom licu prijeko potrebna pomoć i njega od strane drugog lica.

2. bez dovoljno prihoda za izdržavanje, smatra se ako:

- ukupan prihod po članu domaćinstva mjesečno ne prelazi 10% od prosječne plaće Kantona tj. prosječne neto plaće Kantona ostvarene u godini koja prethodi podnošenju zahtjeva.

- lice nije vlasnik, odnosno posjednik nekretnina (kuće, stana i druge nekretnine) koja svojom veličinom prelazi potrebu domaćinstva, odnosno čijom bi se prodajom ili zakuom mogla ostvariti sredstva potrebna za izdržavanje.
- veličina kuće ili stana ne prelazi 40 m² stambenog prostora za jednočlano domaćinstvo, odnosno dodatnih 5 m² za svakog sljedećeg člana.
- lice ili domaćinstvo nije ostvarilo sredstva prodajom imovine ili svoju imovinu darovalo, jer nemaju pravo na materijalnu pomoć za vremenski period u kojem iznos pomoći odgovara visini cijene postignute prodajom, odnosno darovanjem imovine.
- član domaćinstva nije vlasnik preduzeća ili samostalne radnje ili ima registrovanu dopunsku djelatnost,
- u domaćinstvu jedan ili više članova nisu vlasnici ili posjednici automobila, osim ako im automobil služi kao ortopedsko ili drugo pomagalo, što dokazuju nalazom i mišljenjem instituta.

3. da nemaju članova porodice koji su po zakonu obavezni da ih izdržavaju ili ako ih imaju, da ta lica nisu u mogućnosti da izvršavaju obavezu izdržavanja, smatra se ako:

- srodnik/član porodice nema prihode po članu njegovog domaćinstva veće od 20% od prosječne plaće Kantona.

Zahtjev za ostvarivanje ovog prava se podnosi putem Centra za socijalni rad ili putem službe socijalne zaštite Doboj Jug i Usora. U drugostepenom postupku žalbe rješava Ministarstvo.

Sredstva za stalna novčana pomoć obezbjeđuju se i finansiraju u obimu 60% potrebnih sredstava iz Budžeta Kantona, a 40% iz Budžeta općina/grada.

Potrebna dokumentacija za razmatranje i odlučivanje po zahtjevu za ostvarivanje prava na stalnu novčanu pomoć

| R/b | Potrebna dokumentacija | Dokument izdaje |
|-----|---|---|
| 1. | Lična karta na uvid na osnovu koje se u Centru za socijalni rad/ Općinskoj službi sačinjava službena zabilježka | MUP Zeničko-dobojskog kantona |
| 2. | Prijava prebivališta-boravišta (podnosioca/srodnika) | MUP Zeničko-dobojskog kantona |
| 3. | Izjava o zajedničkom domaćinstvu | Nadležna općina/grad-šalter sala |
| 4. | Izvod iz matične knjige rođenih za podnosioca zahtjeva i ostale članove zajedničkog domaćinstva | Nadležna općina/grad-matični ured |
| 5. | Dokazi o prihodima (podnosioca, članova porodice i/ili srodnika koji su u obavezi izdržavat potencijalnog korisnika prava) | Poslodavac (platne liste) PIO/MIO Biro za zapošljavanje/Zavod zdravstvenog osiguranja/ili primanja po drugom osnovu |
| 6. | Potvrda o redovnom pohađanju škole za djecu školskog uzrasta | Obrazovna ustanova |
| 7. | Uvjerjenje o prihodu obveznika, obavljanju dopunskog rada, uslužne ili druge djelatnosti za punoljetne članove domaćinstva ili srodnike | Porezna uprava |
| 8. | Uvjerjenje o katastarskom prihodu za punoljetne članove domaćinstva ili srodnike | Nadležna gradska/Općinska služba za imovinsko-pravne poslove |
| 9. | Uvjerjenje da li je korisnik prava iz boračko-invalidske zaštite za punoljetne članove zajedničkog domaćinstva ili srodnike | Nadležna gradska/Općinska služba za boračko-invalidsku zaštitu |
| 10. | Uvjerjenje da li je korisnik prava kao civilna žrtva rata za punoljetne članove zajedničkog domaćinstva ili srodnike | Nadležna gradska/Općinska služba Centar za socijalni rad |
| 11. | Potvrda/Uvjerjenje o vlasništvu kuće ili stana | Zemljišno knjižni ured, Općinski sud |
| 12. | Dokazi o vlasništvu ili posjedovanju automobila ili drugog motornog vozila za punoljetne članove domaćinstva | MUP Zeničko-dobojskog kantona |
| 13. | Dokaz da auto služi kao ortopedsko ili drugo pomagalo | Institut za medicinsko vještačenje/ Uprava za indirektno oporezivanje |
| 14. | Medicinska dokumentacija za lica mlađa od 60 godina (žene) ili 65 godina (muškarci) | Zdravstvene ustanove |
| 15. | Nalaz i mišljenje o nesposobnosti za rad | Institut za medicinsko vještačenje |
| 16. | Nalaz i mišljenje | Prvostepena stručna komisija za ocjenjivanje sposobnosti i razvrstavanja djece i omladine |
| 17. | Presuda o razvodu braka | Nadležni sud |
| 18. | Tekući račun | Banka |

Napomene:

- Dokumenti/dokazi pod rednim br.: 2,3,5,6,7,8,9,10 i 11 ne mogu biti stariji od šest mjeseci.
- Dokumenti/dokazi se dostavljaju originalni ili ovjerene kopije istog.
- Dokumenti/dokazi pod rednim br.: 14,15,16,17 i 18 mogu se dostaviti u kopiji.